

Evening Dogri News Bulletin, 30 July 2024

इवनिंग डोगरी न्यूज़ बुलेटिन

समे-18:15 Hrs

Headlines

- 1 प्रधानमंत्री नरेंद्र मोदी होरें आखेआ ऐ जे मुख् दा सकल घरेलू उत्पाद 8 फीसद दी दर कन्नै बदा रदा ऐ। ओहू दिन दूर नेई जिसले एहू वैश्विक सतह पर त्री सबबनें थवां बडुी अर्थ बवस्था बनी जाग।
- 2 राष्ट्रपति द्रौपदी मुर्मू ते प्रधानमंत्री नरेंद्र मोदी होरें पेरिस ओलंपिक च 10 मीटर एयर पिस्तौल मिक्स्ड टीम आले मुकाबले च मनु भाकर ते सर्वजोत सिंह गी कैंहू दा तगमा जित्तेने पर मुबारकबाद दिती ऐ।
- 3 केंद्री राज्यमंत्री जितिन प्रसाद होरें आखेआ ऐ जे P.L.I. स्कीम राएं 176 लौहके ते मध्यम दर्जे दे उद्यमें गी फायदा होग।
- 4 केंद्री मंत्री शिवराज सिंह चौहान होरें आखेआ ऐ जे कृषि ढांचागत कोष तैहत मुख् भरै च 72 ज्हार बुनियादी ढांचे सरबंधी परियोजना बनाइयां गेइयां ना।

<><><><><><>

PM-Budget Conference

प्रधानमंत्री नरेंद्र मोदी होरें आखेआ ऐ जे सकल घरेलू उत्पाद-जीडीपी 8 फीसद दी दर कन्नै बदा रदी ऐ ते ओहू दिन दूर नेई जिसले एहू वैश्विक सतह पर त्री सबबनें थवां बडुी अर्थ बवस्था बनी जाग। नमीं दिल्ली च विकसित भारत आली भेठा यात्रा नां दे सम्मेलन दे उद्घाटनी सत्र गी संबोधित करदे होई मोदी होरें आखेआ जे महामारी कन्नै जूझने मगरा भारत नमीं उंचाइए पर पुज्जी गेआ ऐ। उनें आखेआ जे सरकार सारे क्षेत्रें पर ध्यान केंद्रित करा रदी ऐ। प्रधानमंत्री होरें आखेआ जे सरकार जिस रफतार कन्नै बुनियादी ढांचे दा निर्माण करा'रदी ऐ, ओहू अभूतपूर्व ऐ। उनें आखेआ जे 2004 च यूपीए सरकार दे पैहले बजट च पूंजीगत खर्च लगभग 90 ज्हार करोड़ रपे हा ते 2014 च एहू बदिऐ 2 लक्ख करोड़ रपे होई गेआ। उनें आखेआ जे बजट हुन त्रै गुणा बदिऐ 40 लक्ख करोड़ रपे होई गेआ ऐ। मोदी होरें आखेआ जे सरकार नै मंत्रालयें दे आवंटन च रिकार्ड बादा कीता ऐ। उनें आखेआ जे पिछले 10 बरें च 25 करोड़ लोक गरीबी रेखा थवां बाहर आए ना। प्रधानमंत्री होरें आखेआ जे सरकार नै जीवन यापन च सरलता, कौशल विकास ते रोजगार पर खास ध्यान दिता ऐ। उनें गलाया जे रोजगार पैदा करने आले लौहके, भलेयां लौहके ते दरम्याने दर्जे दे उद्योगें पर खासा ध्यान दिता जा'दा ऐ। उनें आखेआ जे सरकार अपने सारे नागरिकें दे जीवन गी सखल्ला ते म्यारी बनाने लेई कम्म करा रदी ऐ। मोदी होरें आखेआ जे भारत दी नीति, समर्पण, संकल्प ते फैसले, पूरी दुनिया गी मुख् च निवेश आस्तै आकर्षित करा'रदे ना। इक दिन दे इस सम्मेलन दा आयोजन भारतीय उद्योग परिसंघ सी.आई.आई आस्सेआ कीता जा'रदा ऐ। उद्योग, सरकार, थिंक टैंक राजनयिक समुदाय सनें इक ज्हार थवां मते प्रतिभागी व्यक्तिगत तौर पर सम्मेलन च हिस्सा लै रदे'न।

<><><><><><>

Manu Bronze

पेरिस ओलंपिक्स च भारती जोड़ी मनु भाकर ते सर्वजोत सिंह नै अज्ज मिक्स्ड 10 मीटर एयर पिस्टल शूटिंग च दक्खन कोरियन जोड़ी Oh ye jin ते Lee Wohno गी 16-10 कन्नै हराइयै कैंहू दा तगमा जित्ती लैता। इस जित्त कन्नै मनु नै अपना नां भारती खेडड इतिहास च दर्ज करी दिता ऐ। ओहू भारत दी पैहली खडारी बनी गेइयां न जिनें इक ओलंपिक च दो तगमें जित्ते ना। दुई बक्खी सर्वजोत नै ओलंपिक च अपना पैहला तगमा जित्तेआ ऐ। एहूदे कोलां पैहले मनु भाकर नै

महिलाएं दे 10 मीटर एयर पिस्टल च कैह दा तगमा जित्तेआ हा। बैडमिंटन खडारी पी.वी सिंधू ते पैहलकदमी सुशील कुमार होरें नेय् भारती खडारी न जिनें ओलंपिक्स च तगमें जित्ते न, पर उनें एह तगमें बक्ख-बक्ख ओलंपिक्स च जित्ते न।

<><><><><><>

PM Manu Sarabjot

प्रधानमंत्री नरेंद्र मोदी होरें मनु भाकर ते सर्वजोत सिंह गी पेरिस ओलंपिक्स च 10 मीटर एयर पिस्टल मिश्रित टीम इवेंट च कैह दा तगमा जित्ते लेई मबारकबाद दिती ऐ। अपने इक सोशल मीडिया पोस्ट च श्री मोदी होरें आखेआ ऐ जे भारतीय शूटर्स नै लगातार भारत दा गौह बधाया ऐ। उनें आखेआ जे इनें दौनें बेहतरीन खेडू ते टीम वर्क दा प्रदर्शन कीता ऐ। उनें एह बी आखेआ जे एह मनु भाकर हुंदा इस ओलंपिक्स च लगातार दुआ तगमा ऐ जेहडा इंदी मेहनत ते समर्पण गी दर्शादा ऐ।

<><><><><><>

Prez. Manu Sarabot

राष्ट्रपति द्रौपदी मुर्मू होरें मनु भाकर ते सर्वजोत सिंह गी पेरिस ओलंपिक्स च 10 मीटर एयर राइफल मिश्रित टीम इवेंट च कैह दा तगमा जित्ते लेई मबारकबाद दिती ऐ। अपने इक सोशल मीडिया पोस्ट च राष्ट्रपति होरें आखेआ जे मनु भाकर होरें इतिहास रचेआ ऐ। ओहू पैहली भारती शूटर बनी गेइयां न जिनें इक्के ओलंपिक्स च दो तगमें जित्ते न। उनें एह बी आखेआ जे मनु नै देसै गी गौरव मसूस कराया ऐ। उनें मनु ते सर्वजोत सिंह गी अगगे होर शैल करने लेई शुभकामनां दितिया।

<><><><><><>

VP-Manu Sarabjot

उपराष्ट्रपति जगदीप धनखड़ होरें मनु भाकर ते सर्वजोत सिंह होरें गी पेरिस ओलंपिक्स 2024 च इंदी शानदार जित्त लेई मबारकबाद दिती। अपने इक सोशल मीडिया पोस्ट च उपराष्ट्रपति होरें उंदे शानदार प्रदर्शन ते मनु भाकर हुंदे इक्के ओलंपिक्स च दो तगमें जित्ते लेई सराहना कीती।

<><><><><><>

Kerala- Wayanad

केरल दे वायनाड च पस्सी डिग्गने दी घटना च मरने आलें दी संख्या 93 पुज्जी गेई ऐ ते एह आंकड़ा हार बदी सकदा ऐ कीजे मलवे दे हेठ अजे होर लोथां होने दी आशंका ऐ। इस घटना च 128 लोक जख्मीं होई गए न ते वायनाड दे अस्पताल च उंदा इलाज चला करदा ऐ। 150 लोकें गी इस घटना आहली थाहरां बचाया गेआ ऐ। आधिकारिक सूत्रें मुजब 100 थवां मते लोकें दा अजे कोई पता नेई लग्गी सकेआ ऐ। कोच्ची दे रक्षा स्रोतें आखेआ ऐ जे भारती नौसेना दे 30 विशेषज्ञ तैराकें दी टीम गी इस लाहके च भेजे गेआ ऐ। Coimbatore दे सूलर एयरफोस स्टेशन थमां तौलें गै 2 हैलीकाप्टर उत्थे पजाए जा करदे न। DSC Centre Kanhur ते Kozhikode चा Teritorial Army Batallion दे तकरीबन 200 जवान घटना आली थाहर भेजे गए न।

<><><><><><>

Rajnath Army Wayanad

रक्षा मंत्री राजनाथ सिंह होरें अजज सेना प्रमुख जनरल उपेंद्र द्विवेदी हुंदे कन्नै केरला दे वायनाड च पस्सी डिग्गने दी घटना बारै गल्लबात कीती। भारती सेना गी इस बचा ते राहत आले कम्मै च लाया गेआ ऐ।

<><><><><><>

LS-Rahul Gandhi

लोकसभा च विपक्ष दे नेता राहुल गांधी होरें केंद्र सरकार गी आग्रह कीता ऐ जे केरल दे वायनाड च पस्सी डिग्गने दी घटना च बचा दे जत्तें लेई हर संभव कोशश कीती जा। जीरो हावर दरान लोकसभा च इस मुद्दे गी चुक्कदे होई राहुल गांधी होरें घटना आले थाहर जरूरी गड्डियां, संचार सेवा गी बहाल ते राहत शिविरें गी लोआने दा आग्रह कीता। श्री गांधी होरें आखेआ जे इस पस्सी डिग्गने दी वजह करी मुनडक्की ग्रं कन्नै संपर्क त्रुट्टी गेदा ऐ ते जान माल दे नुकसान दा अजें तक्कर कोई अंदाजा लाना मुश्कल ऐ। उनें आखेआ जे पिछले किश बरें च मुल्लवै च पस्सी डिग्गने दी घटनाएं च बाद्दा होआ ऐ ते इनें घटनाएं गी घट्ट करणे आले उपायें उपायें गी अपनाने दी सख्त लोड ऐ।

<><><><><><>

Prez. VP Wayanad

राश्ट्रपति द्रौपदी मुर्मू ते उप-राश्ट्रपति जगदीप धनखड होरें वायनाड च पस्सी डिग्गने दी घटना करी होए दे जानमाल दे नुकसान लेई डूंगा शोक व्यक्त कीता ऐ। अपने इक सोशल मीडिया स्नेह च राश्ट्रपति होरें घायल लोकें दे तौलें नरोआ होने ते बचा कार्य दे सफल होने लेई प्रार्थना कीती। उपराश्ट्रपति होरें बी लोकें दे तौलें नरोए होने दी प्रार्थना कीती।

<><><><><><>

RS Kerala Landslide

राज्यसभा दे चेयरमैन जगदीप धनखड होरें केरला दे वायनाड च होई दी घटना उप्पर डूंगा शोक व्यक्त कीता ऐ। श्री धनखड होरें आखेआ ऐ जे एह बेहद दुखक ऐ जे इस घटना च मते लोकें दी जान चली गई ऐ। उनें मारे गेदे लोकें दे परोआरें लेई संवेदना व्यक्त कीती ऐ ते घायलें दे तौले नरोआ होने लेई प्रार्थना कीती ऐ। उनें आखेआ जे केंद्र सरकार ते राज्य सरकार रलियै बचाव ते राहत कम्म करा'रदी ऐ। Leader of House, J. P Nadda होरें आखेआ ऐ जे इस बड्डी घटना करी पूरा देश शोक च ऐ। उनें आखेआ जे प्रधानमंत्री नरेंद्र मोदी हुंदी सरपरस्ती च केंद्र सरकार घटना आली थाहर राहत कम्में लेई हर संभव मदाद पजा करदी ऐ। उनें आखेआ जे प्रधानमंत्री होरें इस घटना बारै राज्य दे मुख्मन्त्री हुंदे कन्नै गल्लबात बी कीती ऐ। पार्लियामेंटरी अफेयर्स मंत्री किरण रिजिजू होरें आखेआ जे प्राकृतिक आपदा हर कुसै लेई इक गंभीर चिंता दा विषे ऐ। उनें दस्सेया जे अल्पसंख्यक मामलें दे केंद्रीय राज्यमंत्री George Kurien होरें गी प्रधानमंत्री हुंदे आखने उप्पर केरला भेजेया गेआ ऐ। राज्यसभा च विपक्ष दे नेता मल्लिकार्जुन खड्गे, सी.पी.आई(एम) दे नेता डॉ. जान ब्रिटास ते सीपीआई दे नेता पी. संतोष कुमार होरें केंद्र सरकार गी राहत बचाव कार्य च तेजी करने लेई आखेआ ऐ। कांग्रेस दे सांसद जेबा मथेर हिसाम होरें आखेआ ऐ जे इस घटना गी राश्ट्र आपदा घोषित कीता जा ते उनें इस घटना लेई 5 ज्हार करोड रपे दे पैकेज दी मंग कीती ऐ।

<><><><><><>

Govt. PLI

सरकारै आखेआ ऐ जे 176 लौहके, भलेयां लौहके ते दरम्याने दर्जे दे उद्यमें गी उत्पादन कन्नै जुडी दी प्रोत्साहन योजना पी.एल.आई कन्नै लाहू होआ ऐ। लोकसभा च उद्योग ते बपार राज्यमंत्री जितिन प्रसाद होरें आखेआ जे पीसीआई योजनाएं च अजें तगर इक लक्ख 32 ज्हार करोड रपे थ्वां मते दा निवेश होआ ऐ। उनें आखेआ जे इस योजना कन्नै 8 लक्ख 50 ज्हार थ्वां मते रोजगार दे मौके पैदा होए न ते 11 लक्ख करोड रपे थ्वां मते दा उत्पादन ते बिक्री होई। प्रसाद होरें आखेआ जे इस योजना कन्नै विनिर्माण क्षेत्र दे विकास च मदद थ्होई ऐ जिसदे कन्नै आत्मनिर्भरता बदी ऐ।

<><><><><><>

LS-PLI

सरकार नै आखेआ ऐ जे मुल्ख च 27 राज्यें आत्मनिर्भर भारत पैहल तैहत उत्पादन कन्नै जुड़ी दी प्रोत्साहन योजना पीएलआई दा लाह लैता ऐ। लोकसभा च उद्योग मंत्री पीयूष गोयल होरें जिमनी सौआलें दे परते च आखेआ जे ए.सी दे 65 फीसद पुर्जे दा उत्पादन मुल्ख च कीता जा रदा ऐ। उनें आखेआ जे पीएलआई योजना सकारात्मक नतीजे देआ रदी ऐ ते योजना तैहत सब्सिडी बची दी ऐ ते इस करी सरकारै परतिए विंडो खोली ऐ।

<><><><><><>

LS-Agriculture

राईबाई सरबंधी केंद्री मंत्री शिवराज सिंह चौहान होरें आखेआ जे राई-बाई बुनियादी ढांचा कोष दे तैहत मुल्ख भरै च 76 ज्हार करोड़ रपे थ्वां मते दी 72 ज्हार बुनियादी ढांचा परियोजनां बनाइयां गेइयां न। एहू योजना 2020 च घाटे गी घट्टअ करने, करसानें आस्तै सेई ते उचित मुल्ल प्रदान करने, राईबाई च नमिएं काह्डें गी बढावा देने ते बुनियादी ढांचे आस्तै निवेश आकर्षित करने लेई प्रबंधन बुनियादी ढांचा विकसित करने दे मकसद कन्नै शुरू कीती गई ही। इस योजना तैहत बैंकें ते माली इदारें आस्सेआ योग्य कर्जदारें गी इक लक्ख करोड़ रपे दित्ते गए। लोकसभा च जिमनी सौआलें दा परता दिंदे होई चौहान होरें आखेआ जे सरकार भंडारण दी सेई ते लोडचदी व्यवस्था करा रदी ऐ तां जे करसानें गी उंदी फसलें दा बनकदा भा थ्होई सकै। उनें आखेआ जे सरकार करसानें गी फसल दा उत्पादन बदाने आस्तै लगातार कम्म करा रदी ऐ। मंत्री होरें आखेआ जे मुल्ख च कृषि विकास दर लगभग 4 फीसद ऐ।

<><><><><><>

LS-MSP

राई-बाई ते करसानें दे कल्याण सरबंधी मंत्री शिवराज सिंह चौहान होरें आखेआ ऐ जे सरकार घट्टोघट्ट समर्थन मुल्ल एमएसपी दा लाह मुल्ख भरै दे करसानें तगर पजाने आस्तै बचनबद्ध ऐ। लोकसभा च उनें आखेआ जे मुल्ख दे करसानें गी एमएसपी देने ते प्रणाली गी होर मता असरदार ते पारदर्शी बनाने पर सुझा आस्तै सरकार नै इक समिति गी कृषि लागत ते मुल्य आयोग गी मती खुद मुख्तेयारी देने दी संभावनाएं गी तलाशने लेई आखेआ हा। उनें आखेआ जे राईबाई सरबंधी बजट ते ढांचागत स्कीम तैहत अजें तगर 48 ज्हार 512 भंडारण सरबंधी परियोजना, जिंदी समर्थ 940 लक्ख टन ऐ गी मंजूरी दित्ती गई ऐ। उनें आखेआ जे कृषि ढांचागत कोष राएं 72 ज्हार 222 परियोजनाएं लेई 46 ज्हार करोड़ रपे मंजूर कीते गए न।

<><><><><><>

LS-Subsidy

मुल्ख च कुदरती खेती करने आले करसानें गी सरकार सब्सिडी देने पर विचार करा रदी ऐ। लोकसभा च केंद्री कृषि मंत्री शिवराज सिंह चौहान होरें आखेआ जे सरकार करसानें गी हर संभवन मदद देने आस्तै बचनबद्ध ऐ ते इस भेठा सब्बै लोडचदियां गैं पुट्टियां जा'रदियां न। उनें आखेआ जे करसानें दी सहायता आस्तै 70 लक्ख हैक्टर नमीं कृषि भूमिका गी प्रधानमंत्री सुक्ष्म सिंचाई योजना दे दायरे च आह्नेया गेआ ऐ।

<><><><><><>

RS-NEET-Councelling

Neet UG 2024 दी काउंसलिंग दा पैहला दौर अगले म्हीने दी 14 तरीक थमां शुरू होगा। राज्यसभा च इक जवाब दे परते च सेहत राज्यमंत्री अनुप्रिया पटेल होरें आखेआ जे सुप्रीम कोर्ट दे हुकम मताबक काउंसलिंग चार दौर च कीती जाग। सुश्री पटेल होरें आखेआ जे पैहले हफ्ते च रजिस्ट्रेशन शुरू होई जाग। मंत्री होरें आखेआ जे काउंसलिंग दा पैहला दौर 14 अगस्त थमां 23 अगस्त तोड़ी होगा।

<><><><><><>

LS-Budget

लोकसभा च अज्ज आम बजट पर चर्चा परतिए शुरू होई। वित्त मंत्री निर्मला सीतारमण होरें चर्चा पर परता देआ र'दियां ना। एहदे थवां पैहले चर्चा च हिस्सा लैंदे होई भाजपा दे देवेन्द्र सिंह होरें आखेआ जे एह बजट मुल्ख गी समावेशी विकास आली भेठा लेइए जाग। उनें आखेआ जे सरकार करसानें दे कल्याण आस्तै बचनबद्ध ऐ ते केंद्री बजट च राईबाई क्षेत्र आस्तै खरी मती राशि दिती गई ऐ। समाजवादी पार्टी दे नेता अखिलेश यादव होरें आखेआ जे बजट च बेरोजगारी ते ग्रामीण क्षेत्रें दे विकास बारै किश बी नेई ऐ।

<><><><><><>

RS-Budget Discussion

राज्यसभा च अज्ज आम बजट 2024-5 पर चर्चा परतिए शुरू होई। चर्चा च हिस्सा लैंदे होई राष्ट्रवादी कांग्रेस पार्टी दे प्रफुल्ल पटेल होरें आखेआ जे सरकार नै राजकोषीय नजरिया अपनाया ऐ ते 2014 सोयां मुल्ख दी माली स्थिति गी बनाई रक्खेआ ऐ। उनें आखेआ जे इस बरे दे बजट च नौजवानें आस्तै नौकरिएं पर खासा ध्यान दित्ता जा'रदा ऐ। उनें बजट च बुनियादी ढांचा क्षेत्र गी महत्व देने आस्तै रकार दी सराहना कीती। उनें आखेआ जे पिछले 10 बरें च मुल्ख च शिड़कें, हवाई अड्डें, समुंद्री बंदरगाहें ते परतिए-परतिए बरतोने आली उर्जा दा व्यापक नेटवर्क तैयार कीता गेआ ऐ। उनें आखेआ जे पिछले किश बरें च मुल्ख च विनिर्माण गतिविधिएं च जबरदस्त बाद्दा दिक्खेआ गेआ ऐ। उनें गरीबी उन्मूलन आस्तै सरकार आस्सेआ पुट्टी गेदी गैंह दी सराहना कीती।

<><><><><><>